

# Prijem državnih službenika u Federalnom ministarstvu finansija

Objavljeno u „Službenim novinama Federacije BiH“ 89/16 od 11.11.2016.

Na osnovu člana 24. Zakona o državnoj službi u Federaciji Bosne i Hercegovine («Službene novine Federacije BiH», broj: 29/03, 23/04, 39/04, 54/04, 67/05, 8/06, 4/12 i 99/15), Agencija za državnu službu Federacije BiH, a na zahtjev Federalnog ministarstva finansija/financija, objavljuje

## **JAVNI KONKURS za popunu radnih mjesta državnih službenika u Federalnom ministarstvu finansija/financija 6 / 884**

01. Stručni saradnik za pravne poslove u Sektoru za pravne poslove - 1 (jedan) izvršilac

02. Stručni saradnik za pravne i analitičke poslove u Sektoru za pravne poslove - 1 (jedan) izvršilac

01. Opis poslova: rješavanje jednostavnih upravnih stvari u prvostupanjskom postupku, izrada akata koji se odnose na raspisivanje, odnosno sprovođenje javnih konkursa za prijem državnih službenika ili pripravnika, internih konkursa za unapređenje državnih službenika, javnih oglasa za prijem namještenika, internih oglasa za prijem namještenika i javnih oglasa za prijem volontera u Ministarstvu, izrada rješenja o formiranju radnih grupa u Ministarstvu i rješenja o isplatama naknada radnih grupa formiranih od strane ministra i Vlade Federacije u kojima je predlagač formiranja Ministarstvo, vodi matične evidencije svih uposlenih, formira, vodi, ažurira i vrši prijave i objave za mirovinsko i zdravstveno osiguranje za sve državne službenike i namještenike Ministarstva, vođenje postupaka radi utvrđivanja činjenica o kojima se ne vodi službena evidencija i izdavanje odgovarajućih uvjerenja o tim činjenicama, stručnu obradu sistemskih rješenja od značaja za odgovorajuću oblast, izrada analitičkih i drugih materijala u okviru propisane metodologije (tipski izvještaji, redovne ili periodične informacije), obavlja i druge poslove koje mu odredi šef Odsjeka. Visina pripadajuće osnovne netto plaće za radno mjesto: 1.165,50 KM.

02. Opis poslova: vrši stručnu obradu sistemskih rješenja od značaja za oblast poreznih postupaka, izrada analitičkih i drugih materijala u okviru propisane metodologije (tipski izvještaji, redovne ili periodične informacije) iz nadležnosti odsjeka, učestvuje u pripremi nacрта jednostavnijih rješenja, obavlja i druge poslove koje mu odredi šef Odsjeka.

Visina pripadajuće osnovne netto plaće za radno mjesto: 1.165,50 KM.

Uslovi: Pored opštih uslova predviđenih članom 25. Zakona o državnoj službi u Federaciji Bosne i Hercegovine, kandidati trebaju ispunjavati i slijedeće posebne uslove, utvrđene Pravilnikom o unutrašnjoj organizaciji, I to:

Za poziciju 01

- VSS - VII stepen stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja, diploma visokog obrazovanja - pravne i upravne struke,
- najmanje 1 (jedna) godina radnog staža u struci, nakon sticanja VSS
- poznavanje rada na računaru

Za poziciju 02:

- VSS - VII stepen stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja, diploma visokog obrazovanja - pravne i upravne struke,
- najmanje 1 (jedna) godina radnog staža u struci, nakon sticanja VSS
- poznavanje rada na računaru

Prijavljivanje na konkurs:

a) Kandidati koji su evidentirani u Registru državnih službenika Federacije BiH koji vodi Agencija za državnu službu Federacije BiH (postojeći državni službenici) prijavljuju se na konkurs dostavljanjem uredno popunjenog prijavnog obrasca Agencije (može se preuzeti u prostorijama Odjeljenja Agencije za Kanton

Sarajevo i Bosansko - podrinjski kanton, ulica Kulovića 7 ili na web stranici Agencije [www.adsfbih.gov.ba](http://www.adsfbih.gov.ba) ).

b) Ostali kandidati dužni su dostaviti sljedeću dokumentaciju (original ili ovjerene kopije):

1. fakultetsku diplomu (nostrificirana diploma, ukoliko fakultet nije završen u BiH ili je diploma stečena u nekoj od država nastaloj raspadom SFRJ nakon 06.04.1992. godine)

Napomena: diplome koje nisu ovjerene pečatom obrazovne institucije i koje nisu potpisane od strane ovlaštenih lica izdavaoca neće se uzeti u razmatranje!

2. potvrdu/uvjerenje o radnom stažu u struci nakon sticanja VSS (primjer uvjerenja se nalazi na web stranici Agencije: [www.adsfbih.gov.ba](http://www.adsfbih.gov.ba))

3. dokaz o poznavanju rada na računaru

4. kandidati koji obavljaju poslove namještenika u organu državne službe i koji su stekli VII stepen stručne spremlje ili visoko obrazovanje najmanje prvog ciklusa Bolonjskog sistema studiranja koji se vrednuje sa 180 ECTS bodova, dužni su dostaviti i:

- dokaz da su zaposleni u organu državne službe kao namještenici i dokaz o pet godina radnog iskustva u organima državne službe, nakon položenog stručnog ispita za namještenika i

- dokaz o položenom stručnom ispitu za namještenika

5. uredno popunjen prijavni obrazac Agencije (može se preuzeti u prostorijama Odjeljenja Agencije za Kanton Sarajevo i Bosansko - podrinjski Kanton, u Sarajevu ul. Kulovića 7, ili na web stranici Agencije [www.adsfbih.gov.ba](http://www.adsfbih.gov.ba)).

Kandidati koji dostave dokaz o položenom stručnom upravnom ispitu, javnom ispitu za državne službenike u institucijama Bosne i Hercegovine ili pravosudnom ispitu izuzimaju se od polaganja ispita općeg znanja.

Napomena: U slučaju da Agencija ne raspoláže podacima koji se odnose na pojedine uslove konkursa, kandidati koji imaju status državnog službenika će biti dužni potrebne dokaze o ispunjavanju uslova konkursa dostaviti Agenciji u roku od 5 dana od dana prijema obavijesti Agencije kojom se traži dostavljanje dokaza.

O datumu, vremenu i mjestu polaganja ispita općeg znanja i stručnog ispita kandidati će biti obaviješteni putem web stranice Agencije za državnu službu Federacije BiH, [www.adsfbih.gov.ba](http://www.adsfbih.gov.ba). Imena kandidata se ne objavljuju

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od učešća u konkursnoj proceduri, o čemu neće biti pismeno obaviješten.

Izabrani kandidat je dužan u roku od 8 dana od dana prijema obavještenja o rezultatima konkursa, dostaviti Agenciji sve dokaze o ispunjavanju uslova konkursa.

Prijavu na konkurs, odnosno sve tražene dokumente treba dostaviti u roku od 15 dana od objave javnog konkursa u «Službenim novinama FBiH», putem pošte, preporučeno na adresu:

**AGENCIJA ZA DRŽAVNU SLUŽBU FEDERACIJE BiH  
ODJELJENJE AGENCIJE ZA KANTON SARAJEVO I BOSANSKO PODRINJSKI KANTON, UL.  
KULOVIĆA BR. 7  
71000 SARAJEVO**

**sa naznakom**

**„Javni konkurs za popunu radnih mjesta državnih službenika  
u Federalnom ministarstvu finansija - konkurs broj "521"  
Nepotpune, neuredne i neblagovremene prijave neće se uzeti u razmatranje.**

**V.D DIREKTOR**

**Refik Begić, magistar uprave**